

# AKT THEMELIMI I SHOQËRISË ME PËRGJEGJËSI TË KUFIZUAR "DATA STORM" SHPK

Sot më date 21.08.2025, Tiranë, ortaku themelues:

**Z. Ermal Beqiri**, shtetas shqiptar, lindur më 23.01.1982, në Gjirokastrë, banues në Tiranë, identifikuar me Letërnjoftim ID me nr. personal I20123025V, madhor, me zotësi të plotë juridike për të vepruar;

Me vullnetin e tij të lirë dhe të plotë bazuar legjislacionin shqiptar:

- *Kushtetuta e Republikës së Shqipërisë;*
- *Ligji Nr. 9901, Dt 14.04.2008 "Për Tregtarët dhe Shoqëritë Tregtare";*
- *Ligji Nr. 9723, Dt 03.05.2007, "Për Qendrën Kombëtare të Regjistrimit";*
- *Kodi Civil i Republikës së Shqipërisë;*
- *Ligji nr. 58, datë 14.07.2022, "Për krijimin, organizimin dhe funksionimin e parqeve teknologjike dhe shkencore".*

Themelon shoqërinë me emrin "Data Storm" Sh.p.k., formën e një shoqërie me përgjegjësi të kufizuar,(sh.p.k), si një shoqëri e së drejtës shqiptare, e cila do funksionojë në përputhje me legjislacionin shqiptar dhe me Statutin, siç vendoset më poshtë:

## Neni 1

### Forma e shoqërisë

Ortaku theksonë se shoqëria e themeluar do të jetë një shoqëri me përgjegjësi të kufizuar, në kuptimin e legjislacionit për shoqëritë tregtare në Republikën e Shqipërisë.

## Neni 2

### Emërtimi

Emërtimi i shoqërisë është "Data Storm" sh.p.k.

Shoqëria mund të hapë dhe filiale brenda dhe/ose jashtë vendit.

## Neni 3

### Baza juridike

Shoqëria e ushtron aktivitetin e saj konform legjislacionit shqiptar përputhje me dispozitat e Statutit e Aktit të Themelimit.

## Neni 4

### Objekti i veprimtarisë

Objekti i veprimtarisë të shoqërisë tregtare "Data Storm" sh.p.k është si më poshtë:

Data Storm, do të ushtrojë aktivitetin e saj në fushën e teknologjisë së informacionit dhe inovacionit, duke përfshirë, por pa u kufizuar në:

- Zhvillimi i softuerit të personalizuar për klientë të sektorëve publikë dhe privatë, duke përfshirë projekte të integruara dhe zgjidhje të përshtatura sipas kërkesave specifike.
- Analiza e të dhënave në shkallë të gjerë (Big Data Analysis), përpunimi, interpretimi dhe transformimi i të dhënave të strukturuar dhe të pashkallëzuara në njohuri të zbatueshme për vendimmarrje.
- Zhvillimi dhe implementimi i zgjidhjeve me inteligjencë artificiale (AI) dhe algoritme të të mësuarit makinerik (Machine Learning) për automatizim procesesh, parashikim tregjesh, optimizim burimesh dhe përmirësim të performancës organizative.
- Projektimi dhe zhvillimi i sistemeve të avancuara analitike dhe platformave mbështetëse të vendimmarrjes me bazë AI dhe analiza të të dhënave në kohë reale.
- Projektimi, zhvillimi dhe mirëmbajtja e aplikacioneve cloud dhe shërbimeve të infrastrukturës së teknologjisë cloud, duke përfshirë menaxhimin e platformave dhe ofrimin e zgjidhjeve të integruara për ruajtjen dhe përpunimin e të dhënave.
- Shërbime të sigurisë kibernetike (Cybersecurity), auditim sigurie, pajtueshmëri me standardet ligjore dhe mbrojtje nga kërcënimet kibernetike.
- Zhvillimi dhe implementimi i sistemeve ERP dhe CRM të personalizuar, si dhe platformave të tjera digjitale të menaxhimit të proceseve të biznesit.
- Zhvillimi i aplikacioneve mobile për rritjen e aksesit dhe angazhimit të përdoruesve.
- Shërbime konsulence në fushën e IT-së dhe mbështetje për proceset e transformimit digjital.
- Organizimi i trajnimeve, workshopeve dhe programeve të certifikimit në fushat e zhvillimit të softuerit, analizës së të dhënave, inteligjencës artificiale, sigurisë kibernetike dhe teknologjive cloud.
- Kryerja e projekteve kërkimore dhe bashkëpunimeve inovative me universitete, qendra kërkimore dhe kompani teknologjike, brenda dhe jashtë vendit.
- Import-eksporti i pajisjeve, mjeteve dhe teknologjive të nevojshme për zhvillimin e produkteve dhe shërbimeve inovative.
- Aktivitete të tjera të lejuara me ligj që lidhen drejtpërdrejt ose tërthorazi me objektin e sipërpërmendur dhe që shërbejnë për arritjen e qëllimeve të shoqërisë.

## Neni 5

### Selia e shoqërisë "Data Storm" sh.p.k

Selia e shoqërisë "Data Storm" sh.p.k është në adresën: **Durana Tech Park, Rruga Ahmet Zogu, nr. pasurise 336, Z.K. 3852, Njesia Administrative Xhafzotaj, Bashkia Shijak, kodi postar 2013.**

## Neni 6

### Kohëzgjatja

Shoqëria do të ushtrojë veprimtarinë për një periudhë të pacaktuar duke filluar nga momenti i regjistrimit të saj pranë QKB.





## **Neni 7**

### **Kapitali i Shoqërisë**

7.1. Kapitali themeltar i Shoqërisë është 100,000 (njëqind mijë) Lek, i investuar ne masë plotë prej ortakut Ermal Beqiri.

7.2. Kapitali themeltar është i përbërë nga 1 kuotë.

7.3. Z. Ermal Beqiri zotëron 100% (njëqind përqind) të kuotave të shoqërisë, 1 (një) kuotë.

## **Neni 8**

### **Organet drejtuese**

Organet drejtuese te shoqerise jane:

8.1 Asambleja e Pergjithshme e shogerise që perbehet nga ortakët

8.2 Administratori

## **Neni 9**

### **Administrimi**

9.1 Admirdstrimi i shoqërisë kryhet nga Administratori, duke respektuar aktet ligjore dhe nënlogjore në fuqi.

9.2 Administrator i shoqërisë caktohet për herë të parë për një periudhë 4 vjeçare Z. Ermal Beqiri, shtetas shqiptar, lindur më 23.01.1982, në Gjirokaštër, banues në Tiranë, identifikuar me Letërnjoftim ID me nr. personal I20123025V, madhor, me zotësi të plotë juridike për të vepruar.

Ky Akt Themelimi i shoqërisë me përgjegjësi të kufizuar është hartuar në 4 (katër) kopje në gjuhën shqipe me fuqi të njëjtë ligjore dhe janë nënshkruar rregullisht nga ortaku themelues.

## **ORTAKU THEMELUES**

**Z.Ermal BEQIRI**

